

Gástta attáldat

Boahttevaš jagi áigut mii girkus erenoamážit čalmmustahttit gástta. Mii lea gásta ja manne mii gásttašuvvot?

Dan rájes go Jesus dáhtui min gásttašit, leat olbmot ohcalan gástta. Gásta lea čieguvuohat man ii máhte ollásit čilget sániiguin. Čáhci goivejuvvo oaiivi ala Áhči, Bártni ja Bassi vuoinjna nammii. Evangeliuma, ealli Sániin šaddá čáhci árpuu ájan. Gásta lea oassi Jesusa jápmimis ja bajásčuožžileamis.

Mis lea dáhpin buktit mánáid gástii. Mii ávvudit odđa eallima ja bidjat máná Ipmila háldui. Go mánát leat unnit de lea váhnemiid ja fáddariid ovddasvástádus vástidit mánáid ovddas. Muhto ii leat goassege beare maŋŋit gásttašuvvot. Go nuorat ja ollesolbmot gásttašuvvojít de dat vástidit iežaset ovddas. Dalle leat maid fáddarat geat galget leat doarjjan midjiide, eallit gásttas ja oskut Jesusii. Biibbalmitalusat, rohkos, eahkedismállásat ja girkui gullevašvuohat leat oassi gástta buressivdnádusas.

Čáhci lea dehálaš risttalaš gásttas. Čáhci addá heakka muhto seammás dat áítá. Gásttas mii biehttaliit bahás ja das mii lea Ipmila daguid vuostá, omd. go mii biehttaliit bearagalagat ja dovddastit oskomet. Vaikko eat sáhte ollásit garvit bahávuoden, suttu dahje goarideami, de mii gásttas oažžut lohpádusa ja doaivvu ahte eallima heagga lea gievrrat go jápmin. Ipmil addá midjiide ándagassii buot min suttuid ja buhtista min buot baháin.

Eallin lea girjái, ja mii olbmot rievddadit beaivvis beaivái. Muhtomin mii leat gievrrat ja eará háviid hearkkit. Mis lea dárbu dovdat ahte mii leat oassin juoga mas, ahte mii gullat muhtin ovttastussii. Vaikko mii leat iešguđetlágánat, de ovttastahttá gásta min Kristusiin ja min risttalaš oarbiniiguin sihke ruovttus ja málmmiviidosaš girkuin. Dán agalaš oktavuodas lea oktasaš osku, oktasaš gásta ja oktasaš girku. Gásta addá midjiide vuommi ja movtta ráhkistit Ipmila ja guhtet guimmiideamet.

Gásta lea Ipmila attáldat midjiide, addojuvvon dievva árpuuin, golmmain čáhcegovestagain, Áhči, Bártni ja Bassi vuoinjna nammii, vai mii oččošeimmet agalaš eallima. Min boahtteáigi